



UPA 2016/050-01

28.04.2016

Nuna allamiunut tunngasut Kalaallit Nunaannit tiguniarnerannik suliame ingerlanneqartumi qimaasunik aalajangersimasunik amerlassusilinnik tiguisinnaanermut periarfissap ilanngunneqarnissaanik Naalakkersuisut peqquneqarnissaannik Inatsisartut aalajangiiffigisassaattut siunnersuut

(inatsisartunut ilaasortaq Naaja H. Nathanielsen, Attaviitsoq).

inatsisartunut ilaasortaq Naaja H. Nathanielsenip siunnersuutaa tassa, nuna allamiunut tunngasut Kalaallit Nunaannit tiguniarnerannik suliame ingerlanneqartumi qimaasunik aalajangersimasunik amerlassusilinnik tiguisinnaanermut periarfissap ilanngunneqarnissaanik Naalakkersuisut peqquneqarnissaannik Inatsisartut aalajangiiffigisassaattut siunnersuuta Partii Naleqqamiit imannak oqaaseqarfigissuarput.

Aallaqqaasiullugu oqaatigisariaqarpoq Nunatsini aaqitassarpassuaqaraluarluta, assersuutigalugu nunarsuarmioqatitta ilaannut ajornartorsiuteqartunut amerlanertigut aningaasanik katersuiniarnerit atorlugit ikiorsisarnerpassuit qujanartumik inuppassuarnik peqataaffigineqartartut ingerlanneqartarput.

Tamanna periusoq ajunngitsutut aamma nunarsuarmioqatitsinnut ikiuerusussuseqarnitsinnik ajunngitsumik takutitsinerusartoq tulluusimaarutigisarparput, kisianni taamaakkaluartoq katersuiniarnerpassuarni tapiissuterpassuit pisariaqatitsivissunut ilumut apuuttarnersut innuttaasunut, tassa katersuiniarnerni tapiissuteqartunut paasissutissiissutigineqartarpaa ?

Taama aallarniuteqarneq ikiuerusussuseqannginnermik pissuteqanngilaq, kisianni ikiuerusussutsip suli kajuminnarnerulersinneqarnissaa anguneqassappat, tunisisut/ikiuuttut minnerpaamik qujaffigineqartarnissaat piumasarissallugu pissusissamisoorpoq.

Tassami soorlu siuliani oqareertugut, nunatsinni iluarsisassarpassuit, meeqqat suminginnangarpassuit allallu inuiaqatigiinni iluarsisassarpassuit namminerluunniit pitsaannerusumik aaqqiivigisinnaanartigut, aamma suli taakku qalliinnarlugit, nunatta avataaniit ajornartorsiutinik tiguseqqissanersugut apeqquterujussuuvoq imaaliannaarlugu akuersaarneqarsinnaanngitsaq.

Illumullimi nunatsinni isumaginninnerup tungaatigut taama annertutigisunik ajornartorsiuteqarpallaanngikkutta, suliffissaaleqisut taama amerlatigingippata imaluunniit inissaaleqisut taama amerlatigingippata, nakorsanik tarnillu pissusasaanik ilisimasalinnik,

minnerunngitsumillu inunnik isumaginninnerup iluani ilinniarsimasunik sulisussanik taama amerlatigisunik amingaateqanngikkaluarutta, qularnanngilaq siunnersuutip uuma pimoorunnerullugu periarfissarsiuunneqarsinnaanera periarfissaqarnerussangaluarpoq.

Kisianni aamma taama oqareerluta, aamma oqartariaqarpugut, suliassaqarfippassuit suli danskit naalagaaffiata akisussaaffigalugit oqartussaaffigimmagit, tamakkunungalulu ilaavoq, apeqqutit nunami allamiut tunngasut.

Taama naatsumik oqaaseqarluta naalakkersuisut akissuteqaataat tusaatissatut tinguarput.